

**Вольбы
до органів самосправи сел**

Інформації про воліча

I

Датум і час волеб

Вольбы до органів самосправи будуть

в суботу 10. новембра 2018 од 7:00 до 22:00 години

II

Право волити

Право волити до органів самосправи сел/міст мать жытель села/міста, котрый мать місце стабільного бываня в селі/місті, і найпізніше в день волеб досяг 18 років віку.

Конфліктом з правом волити є законне окліщія особой слободы vyplivajuče z охрани верейного здравя.

III

Право быти воленным

За посланця сільского/міського заступительства, в главнім місті Словацькой републіки Братіславі і в місті Кошіці містного заступительства, може быти зволений жытель села/міста, котрый мать місце стабільного бываня в селі, в котрім кандідує і найпізніше в день волеб досяг 18 років віку.

За старосту села, пріматора міста, може быти зволений жытель села, котрый найпізніше в день волеб досяг 25 років віку.

Конфліктом з правом быти воленным є:

- заарештованя,
- правоплатне одсуджіня за напланованный кримінальний чін, поковы одсуджіня не было загладжено,
- однятя способности робити правны діла.

IV

Способ голосованя

Воліч може волити лем у селі свого стабільного бываня у волебнім раєні, в списку котрого є записанный.

Воліч по вступі до волебной містности є повинный превказати обводній волебній комісії свою тотожність обчаньсков легітімаціов або документом о перебуваню чуждінця.

Потім обводна волебна комісія закружкує чісло воліча в списку волічів і выдасть волічови два листы на голосованя - лист на голосованя на вольбы до сільского (міського) заступительства і лист на голосованя на вольбы старосты села (пріматора міста) і порожню копертку з уряднов печатков села (міста).

Перевзятя листів на голосованя і коперткы потвердить воліч в списку волічів властноручным підписом.

Каждый воліч повинен піти перед голосованєм до виділеної части містности, в котрій може управити лист на голосованя. Волічови, котрый не вступить до того простору, обводна волебна комісія не доволить голосовати.

На листі на голосованя при вольбах посланців сільского (міського або місного) заступительства може воліч закружковати найвеце тільки чисел кандидатів, кілько посланців мать быти в даннім волебнім обводі зволенных. (Число посланців, котре ся волить у волебнім обводі, є уведжене на листі на голосованя.)

На листі на голосованя при вольбах старосты села (пріматора міста або старосты міської части) може воліч закружковати число лем єдного кандидата.

У виділеній части містности, котра служить на управу листів на голосованя, вложить воліч до копертки **єден лист на голосованя** у вольбах до сільского (міського) заступительства і **єден листок на голосованя** у вольбах старосты села (пріматора міста).

На пожадания воліча обводна волебна комісія му выдасть за неправильно управлены листы на голосованя іншы. Неправильно управлены листы на голосованя воліч вложить на місто виділене на одложіня несхоснованых листів на голосованя.

Воліч, котрый не може сам управити лист на голосованя із здравотных причін або зато, же не може читати ці писати і перед голосованєм поінформує о тім факті обводну волебну комісію, має право взяти із собов до виділеної части на управу листів на голосованя іншу способну особу, жебы подля ёго інструкцій управила лист на голосованя і вложила го до копертки. Обидві особи перед вступом до виділеної части на управу листів на голосованя член обводной волебной комісії поучить о способі голосованя, о основі трестного skutku маріня приправы і ходу волеб. Членове обводной волебной комісії не сміють волічам управлєвати листы на голосованя.

Місто воліча, котрый не може із здравотных причін сам вложити копертку до волебной урны, може ю до нєй на ёго жадость і в ёго притомности вложити інша особа, але не член волебной комісії.

Воліч, котрый не може прийти до волебной містности із важных, главно здравотных причін, має право пожадати обводну волебну комісію голосовати до переносной волебной урны, а то лем на теріторії волебного обводу, про котрый была обводна волебна комісія створена.

Воліч повинен одложити несхоснованы листы на голосованя або неправильно управлены листы на голосованя до запечатованой ладічки на несхоснованы або неправильно управлены листы на голосованя, інакше ся допустить переступлїня, за котре дістане покуту 33 евра.